



**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. II. Corollaria.

[urn:nbn:de:hbz:466:1-74152](#)

homini patens; juxta D. Bernard. l. 2. de conscientia. Vel quia, ut D. Antonino videtur, est concludens *scientia*, eò quod consistat in quadam practica conclusione, & illatio judicio de agendis vel omittendis, vel quia est *cum alio scientia*. Dum, ut inquit D. Th. 1. p. q. 79. a. 13. & de verit. q. 17. a. 2. addit *supra* *scientiam applicationem scientia ad aliam particulararem*. Hujus nunc definitionem & divisionem videamus.

ARTICULUS I.

Quid sit conscientia?

SUMMARI A.

1. *Opinio Antiquorum.*
2. *Definitio conscientie.*
3. *Respondeatur ad fundamenta Antiquiorum.*
4. *Conscientia non conficitur in habitu.*
5. *Non in actu Synteresis, aut scientia moralis.*
6. *Non in actu imperii, sed judicii practice practica.*
7. *Conscientia non tantum respicit alios futuros, sed etiam presentes & praeteritos.*
8. *Dictamen conscientie pertinet ad habitum, vel prudenter vel imprudentia.*
9. *Quandomam dictamen prudentiae sit conscientia?*
10. *Ad conscientiam formandam possunt habitus diversi concurrere.*
11. *Judicium de bonitate vel malitia formaliter, etiam formandum per respectum ad conscientiam.*

§. I.

Definitio conscientie.

1. *Q*uorundam Antiquorum, ut Henrici quodl. 1. q. 18. & Alensis in 2. p. q. 77. fuit opinio, conscientiam non tantum includere actum intellectus, sed etiam voluntatis, eò quod alia sit Conscientia bona, alia mala; bonum autem & malum morale principaliter ad voluntatem pertinet. Infingare enim ad bonum voluntatis est proprium; sed quis nescit hoc esse munus conscientie? ergo voluntas quoque conscientiam sibi vindicat. Verum cum Angelico Doctore conscientiam intellectui adaequate tribuimus, eamque definimus.

2. *Conscientia est dictamen seu judicium practicum intellectus, dictans quid hic & nunc consideratis omnibus circumstantiis sit vel agendum, vel fugiendum. Sive: est regula justi vel iniusti indigentis rationali, quid appetendum, quid fugiendum sit.*

Dicitur primò: *dictamen seu judicium practicum*: Conscientia quippe, seu proxima regula humanorum actuum, est intimatio aeternæ legis, tanquam remota, & suprema regula, à qua omnis morum honestas dependet; sed talis intimatio sit per judicium non speculativum, sed practicum, nempe per sententiam enuntiativam, sicut hæc operatio & executio & hinc & nunc bona, vel mala, concessa vel inconcessa: ergo Conscientia est judicium vel dictamen practicum.

Dicitur secundo, *intellectus*; nam & ipsum non men scientie, à quo conscientia, & varia conscientia munia, ut sunt, intimare, judicare, praecipere, dirigere, accusare, testari, non ad voluntatem, sed intellectum pertinet. Additur tertio, *quid hic & nunc &c.* quia objectum proxima

regula est operatio humana ut exequenda, sed que ut omnibus suis circumstantiis vestita.

Ad Henrici primum fundamentum Respondeatur. Conscientia alia est bona, alia mala; seccè & objective, vel etiam causaliter & direc-
tive, concedo; in quantum videlicet regular & dirigit operationem bonam vel malam morali-
ter, ut mox dicetur; intrinsecè & subiective, tan-
quam in ipsa moralis bonitas vel malitia intrin-
secè recipetur, nego: atque bonum & morale,
quatenus intrinsecè denominant & specificant,
pertinent ad voluntatem. Similiter ad secun-
dum distinguo maiorem: Infingare impulsu
pertinet ad voluntatem, concedo; directive, inti-
mativè, & praeceptivè, nego maiorem; infi-
ngare praeceptivè est munus conscientie; con-
cedo; impulsu nego minorem & consequen-
tiā.

§. II.

Corollaria.

Ex præmissis deduces primò. Conscientiam formaliter (1) non consistere in aliquo habitu (2) neque in actu Synteresis (3) aut scientia moralis.

Non primum, tum quia judicium, regula, precep-
tum, sententia, non habitus sed actum no-
minant: tum quia habitus vel est innatus, &
natura inditus, ut habitus primum principio-
rum, & hic est invariabilis, utpote in ipsa natura
rationali radicatus: Conscientia autem est va-
riabilis, & quandoque mutatur de opinibili in
certam, de errore in veram. Vel est acquisitus,
quo utimur cum volumus: & sic ritus conscientie
non convenit, quippe que etiam obliquans
impellit, arguit, remordet. Vel est infinitus; id
conscientia etiam pertinet potest ad ordinum
naturæ, & est aliquando falsa & culpabilitate
rōne, ac proinde à DEO infundi nequit.

Non secundum & tertium. Quia actus Synter-
esis sunt prima morum humanorum principia
circumstantiis particularibus praefixa & praecipa
communissima, ut DEUS colere, neminem
ladere, honeste vivere, quod sumus, unicuique
tribuere. Infinitus de Jnr. & Justit. illudq. Matt. p.
Quod tibi non vis fieri, alteri ne feceris. Actua-
rō scientie moralis, tametsi possit esse conclusio
particularis ex illis principiis communibus decid-
ita, tamen non judicat, neque regulat actionem
particularem, ut hic & nunc sub his numero cito
circumstantiis cautæ, loci, temporis exequendum.
Exempli gratia deliberas, an tibi hic & nunc
debet solvere jejunium Ecclesiasticum? scientia
moralis

moralis format hunc discursum: Lex Ecclesiastica non ligat cum gravi incommode: sed periculum probabile sanitatis est grave incommode: ergo Ecclesiastica lex jejunii cum tali periculo sanitatis non ligat. Iste discrus, quia nondum proxime respicit ipsius persona individuali operationem hic & nunc exercendam, nondum habet rationem conscientiae; sed operet adhuc particularius subfumere; atqui mihi hic & nunc instat probabile periculum sanitatis, vel ex propria experientia, vel medici iudicio: ergo hic & nunc praeceptum jejunii Ecclesiastice me non ligat: ergo comedere est licitum; qui demum actus, cum proximè regulet honestatem moralem operationis ut hie & nunc exercenda, rationem conscientiae obtinet. Unde

Deduces secundò: Conscientiam formaliter non consistere in actu imperii practici, qui exprimitur per verba imperativi modi, *sac hoc;* sed in illo iudicio practico, quod est conclusio consultationis, & praecedit electionem voluntatis. Nempe priusquam voluntas procedat ad operis executionem, duo actus antecedunt ex parte intellectus: iudicium seu sententia de agendis, & imperiis; ille actus praecedit & dirigit consensum, & electionem voluntatis; iste vero usum & executionem; ille consistit in conclusione & sententia, que infertur ex practico discrus consultativo de electione mediorum ad prosequendum finem; iste vero in determinativa & praeceptiva intimatione, qua intellectus mandat voluntati operis executionem, ideoque non per modum sententia & iudicium enuntiativi, sed per modum praecepti exequendi, & per verba imperativi modi, exprimitur, veluti cum S. Doct. q. 17. in Tract. de act. hum. annotavimus.

Conscientia igitur non consistit in hoc posteriore ad imperii primò, quia actus imperii tantum est de re futura; Conscientia vero, ut mox dicetur, etiam de praesenti & praterita. Secundò: quia sequeretur nunquam peccari contra conscientiam, eò quod motionem imperii practici infallibiliter subsequatur exercitium & executio operis, nisi extrinsecus impeditur. Consistit vero in iudicio practico praecedente electionem operis, hic & nunc in predictis omnibus circumstantiis exequendi. Quod etiam practicum appellatur comparativè ad illa iudicia, ex quibus deducitur, haec enim tanquam ad antecedens practici discrus pertinentia, & ipsam particularem operis electionem non regulantia dicuntur speculativa, vel speculativa practica.

7. Deducit tertio: Quamvis Conscientia prima ratiō respiciat actus futuros, eadem tamen secundario etiam respiceret actus praesentes & prateritos, respectu quorum magis est speculativa, quam practica. Ratio est: quia Conscientia ex primo munere & significato est regula morum, dictans, num actus sit ponendus, vel omissandus, ex quo tamen secundario consequitur, ut vel in ipso opere, vel post opus peractum ipsa sit testis reibene vel male gesta; ibi approbatrix, hic acculatrix; frenum ante peccatum, flagrum post peccatum. Quo sensu Apostolus 1. Cor. 1. Gloria nostra haec est, testimonium conscientia nostra. Et illud antiquum: *Conscientia mille testes.*

R. P. Mezg. Theol. Schol. Tom. II.

Et quia hoc conscientiae testimonium etiam habitualiter perseverat, ideo homines iusti & probi, quibus illa felicitas contigit: *Nil concire sibi, nullà pallescere culpa;* homines bona conscientiae; alii contrà quos de perperam actis vermis conscientiae rodit; *Oculum quatinus animo tortore flagellum,* homines male conscientiae vocantur. In quem sensum habiealem sui Scotti conscientiam explicat Herinck disp. 4. fest. 2.

Deduces quartò: Reclta conscientiae dicta, men pertinere ad habitum prudentiae: uti econtra dictam conscientiae non recte ad habitum imprudentiae. Nam prudentia est *rectaratio agilium,* & ab ipsa dirigente provenit omnis honestas operis sub particularibus circumstantiis exercendi; unde quotiescumque operatio est recte & virtuose à voluntate elicita, vel imperata, prius prudentia, vel naturalis vel supernaturalis communia morum principia ad hanc particularis circumstantias applicans determinat, quid hic & nunc licite fieri possit, aut debeat, quæ determinatio est ipsa, de qua loquimur, conscientia. Hinc porrò ulterius procedit ad ultimum imperium operis exequendi, nisi voluntatis contra conscientiam operantis malitia impediatur. Quia vero contingit aliquando conscientiam errare, & illud hecum pronuntiare, quod à parte rei licetum non est, attendi debet, an error sit inculpabilis, qui adhibita omni diligentia vinci non potuit? an vero culpabilis, qui adverto adeoque vinci potuit ac debuit? Si primò; iudicium conscientiae adhuc erit à prudentia derivatum, veluti si hostiam, quam rationabiliter consecratam existimas, adorandum judices, quamvis à parte rei non sit talis. Si secundum; illud iudicium conscientiae falsa erit actus imprudens.

Non ideo tamen quodlibet dictamen morale prudentius vel imprudentia est conscientia sed tunc solummodo, quando cu[m] participatio & intimatio legis praescribit agenda, vel omittenda. Ita qui contra conscientiam operando peccat, quamvis ante peccatum habeat iudicium imprudens, quo se determinat ad actum peccaminorum (omnem quippe actum peccari in voluntate praecedit error practicus in voluntate) non tamen habet falsam conscientiam, quia objectum malum, quod erronee prosequendum proponitur, non proponitur per illud iudicium, tanquam ex aliqua obligatione vel permissione legis, sed tanquam ex aliqua comoditate, delectabilitate, &c. prosequendum, alias simul respectu ejusdem actus considerentur duæ conscientiae oppositæ, quod dici non potest.

Deduces quintò: Ad antecedens seu primis fas illius discrus practici, ex quo prudentia inferat practicum conscientia dictamen possit varios habitus concurrere; unde juxta Doct. Angel. conscientia dicta, tanquam applicatio scientiae ad particularem operationem. Patet exemplo superius insinuato num. 2. in hoc discrus: Cui ex jejunio incumbit probabile periculum sanitatis, licet non jejuno; sed mihi ex jejunio hic & nunc incumbit probabile periculum sanitatis: ergo hic & nunc licet non jejuno. Ecce! Major propositio est actus & conclusio scientiae moralis, deducta

deducta ex illo principio, quod leges positivæ cum gravi incommodo ordinariè non ligent. Minorem format vel scientia experimentalis, vel medica, vel fides humana, quæ quis assernit medico periculum affirmanti; conclusionem tandem & conscientiam format prudentia.

11. Deduces sexto: In dijudicanda formalis honestate, aut malitia operationum non tam esse attendendum ad conditions actuum prout sunt à parte rei independenter à conscientia operantis, quam prout per conscientię dictamen exhiben-

tur: cùm enim impossibile foret, ut non regula remota Divinæ & aeternæ legis in plurimis occurrentis esset à nobis invincibiliter ignorata, ideo dictamen propriae conscientię, quod à nineno ignoratur, pro regula proxima immediata ordinatum fuit, ut per illam lex Divina & aeterna applicaretur, & quid legi conforme vel disforme esset, indicaretur. Unde in operatione nonquam potest esse peccatum formale contra legem, nisi cùm legis obligatio reletur in conscientia.

ARTICULUS II. Quotuplex sit conscientia?

S U M M A R I A.

1. *Vulgaris divisio conscientie in 5. membra.*
2. *Conscientia certa, vera, erronea, probabilis duplex acceptio.*
3. *Aliter conscientia appellatur ex objecto, assensu, & iudicio praesupposito.*
4. *Conscientia ex objecto adaequata dividitur in bonam & malam.*
5. *Ex modo assentiendi in certam & opinativam.*
6. *Ex scipsa in veram & falsam.*
7. *Conscientia dubia non est formaliter conscientia.*
8. *Deposito dubio conscientia tantum potest esse extinsecus dubia.*
9. *Reductio conscientia timorata & scrupulosa.*

§. I. Variae divisiones & acceptiones conscientie?

1. *Varia sunt divisiones conscientie. Communior est in quinque membra, in veram, quam etiam appellant rectam & certam, in erroneam, dubiam, probabilem seu opinativam, & scrupulosam. Cui addi potest divisio conscientia in bonam & malam. Vera conscientia est, quæ est conformis objecto & judicat esse licitum, quod est licitum. Erronea, quæ est disformis objecto, & judicat licitum, quod est illicitum, vel contraria. Dubia, quæ circa utramque partem contradictionis suspendit assensum, & si hoc ex nullius moti pro utraque parte apparentia, dicitur negativæ dubia; si ex aequalibus mediis & motivis positivis pro utraque parte, dicitur positivæ dubia. Probabilis seu opinativa est, quæ uni parti contradictionis adhæret, cum formidine tamen opposici. Scrupulosa est, quæ ex nullis vel ex levissimis fundamentis concipit formidinem peccati. Bona conscientia eadem & recta est, quæ prescribit honesta; mala est, quæ erronea prescribit, aut tolerat in honesta & illicita. Ad discriminandam hujus divisionis membra, & bonitatem discutiendam*
2. *Observandum est primò: conscientia certa, vera, erronea, probabilis significationem in duplice sensu accipi posse. Nam certa conscientia potest significare vel certitudinem ex parte objecti, & sic coincidit cum conscientia vera, & opponitur falsa; vel certitudinem ex parte assensus, & sic opponitur opinativa, quæ habet formidinem oppositi. Conscientia vera potest dici talis*

vel solū formaliter & practicè, vel materialiter & formaliter, speculativè & practicè simul. Vera erit formaliter & practicè tantum, quando habet iudicium conforme cum objecto practicè considerato, prout substat rationabilis opinioni & iudicio intellectus, licet objectum à parte realiter se habeat; ut si Sacerdos judicet penitentem absolvendum, quem rationabiliter judicat esse contritum, quamvis à parte rei non sit verè contritus. Erit etiam vera materialiter, & speculativè, si se conformis objecto, ut est à parte rei. Tandem conscientia duplici modo potest dici opinativa, probabilis, dubia, nempe propriè, & ex ipso conclusionis assensu, vel secundo imprroprie & iudicio praesupposito.

Primo modo conscientia opinativa, vel dubia, nunquam est sufficiens reguli operandi, ob incertitudinem assensus, & actuali vel radicali formidinem peccati. Secundò modò potest esse regula operandi, quia cum dubio & opinione speculativa ex parte iudicij praesuppositi, ita potest iudicium certum & fixum de honestate operationis, ut ex cursu patet.

Observandum est secundò: conscientia appetitrationem & divisionem accepi posse tripliciter: in primis ex objecto, deinde ex modo alieniendi objecto, terciò ex iudicio praesupposito, ex quo descendit ad ipsam conclusionem conscientie. Si conscientia spectetur ex objecto, tunc alia est vera, alia falsa, alia bona, alia mala. Ex modo assentiendi & tendendi in objectum, alia est certa, quæ certum sine formidine praescribit assensum; alia dubia, quæ suspendit alia opinativa, quæ quidem etiam praescribit assensum, sed cum formidine oppositi. Ex iudicio speculativo praesupposito solet conscientia frequenter appellari affirmativa, vel probabilis, non quia ipsum ultimum iudicium conscientia sit mere opinativum habens formidinem oppositi, sed quia iudicium speculativum praesuppositum, in qua ultimum conscientia iudicium radicatur, est tantum probabile. His potius queritur, quæ nam divisiō conscientie sit adaequata?

§. II.

Affiguntur adaequata divisiones conscientie.

Dicendum primò. Conscientia ex parte futura malis objecti, à quo specificatur, adaequatē dividi-